



Broj: 07-06-05-29626-1/13  
Sarajevo, 29.04.2014. godine

**KANTON SARAJEVO**  
**Predsjedavajuća Skupštine Kantona Sarajevo**  
**-ovdje-**

**Predmet:** Odgovor na poslaničko pitanje

Poslanik Nedžad Fazlija na 31. Radnoj sjednici Skupštine Kantona Sarajevo održanoj dana 27.11.2013. godine, u okviru tačke Dnevnog reda "Poslanička pitanja, inicijative i odgovori", poostavio je poslanička pitanja:

1. "Zašto se sistemski uništava vlasništvo ovog kantona Veterinarska stanica Kantona Sarajevo? Zašto se dozvolilo da se za samo nekoliko mjeseci stručno uruši jedan od najboljih laboratorijskih za ispitivanje hrane u BiH, posebno s aspekta štetnih rezidua u namirnicama?

Govorim o Mikrobiološko – hemijskom laboratoriju KJP "Veterinarska stanica" d.o.o. Sarajevo. Poznato je da Laboratorij od 2004. godine kao prvi na prostorima ex Yu bio akreditiran po međunarodnim standardima ISO17025, a trenutno je suspendiran u svim aspektima akreditiranja od strane Instituta za akreditiranje BiH:

2. Zašto se dozvolila farsa kod izbora direktora KJP "Vetrinarska stanica" d.o.o. Sarajevo kada je u rekordnom vremenu izmjenjen i prilagođen statut preduzeća prema kandidatu koji je imao samo dvije godine iskustva u struci?

Iako su konkursala 4 kandidata koji su uposlenici preduzeća i svaki je imao najmanje po 20 godina radnog iskustva i po 10-tak godina rukovodnog iskustva u preduzeću, izabran je kandidat koji nije ispunjavao uslove. Trenutno se vodi sudski spor o poništenju konkursa. Iako se preduzeće nalazi u nezavidnom finansijsko – ekonomskom položaju uposlen je direktor van preduzeća za kojeg treba izdvojiti nemala dodatna novčana sredstva. Zar su lični interesi i imovina važniji od imovine i interesa kantona i države?

**Odgovor:**

1. Po dobijanju poslaničkog pitanja vezanog za rad laboratorije, obratili smo se preduzeću za odgovor. S obzirom da je došlo do intervencije sindikata i zaposlenih u Kantonalnom javnom preduzeću "Veterinarska stanica" d.o.o. Sarajevo, zatražili smo izjašnjenje struke. Adekvatan odgovor na postavljeno pitanje nismo dobili, jer je isti sadržan u optužbama bivšeg ili sadašnjeg rukovodstva, u zavisnosti ko daje odgovor. Optužbe su najčešće bile iskazane na sastancima koje je organizovalo Ministarstvo privrede, s ciljem približavanja stavova suprostavljenih strana.



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



2. Skupština preduzeća zakazana je za 02.07.2013. godine. Na navedenoj Skupštini donesena je Odluka o izmjenama Statuta KJP "Veterinarska stanica" d.o.o. Sarajevo, koja je obrađena od strane notara Rasima Trnke. U izmjenama Statuta unesena je odredba po kojoj se za direktora preduzeća može imenovati lice koje pored općih uvjeta predviđenih Zakonom ispunjava i sljedeće uvjete:
- doktor veterinarske medicine koji ima položen stručni ispit;
  - najmanje 5 (pet) godina radnog staža u struci;
  - da ponudi Program rada i razvoja Preduzeća u mandatnom periodu,
  - da ima stručna znanja iz oblasti veterinarske djelatnosti.

Izmjena se odnosi na član 48. alineja 2. – da ima najmanje 8 (osam ) godina radnog iskustva u struci, od čega najmanje 5 (pet ) godina na rukovodnim poslovima. Ova odredba ne bi bila sporna, jer je članom 84. stav 3. Zakona o veterinarstvu Federacije Bosne i Hercegovine ("Službene novine Federacije Bosne i Hercegovine", broj 46/00) propisano: "Za direktora veterinarske ustanove iz st. 1. i 2. ovog člana može se postaviti doktor veterinarske medicinc koji ima položen stručni ispit i najmanje pet godina radnog staža u struci". Sporno je da se u Poslovniku o radu Skupštine preduzeća u članu 5. stav (4) propisuje: "Materijali za sjednicu se pripremaju u 7 (sedam) primjeraka i u elektronskom obliku sa prijedlogom odluka i obrazloženjem. Primjerak materijala dostavlja se resornom ministarstvu, koje je dužno dati svoje mišljenje na svaki dati prijedlog odluke". U konkretnom slučaju to nije učinjeno.

Kako se i u samom pitanju navodi, sudski postupak je u toku, pa bi bilo nekorektno davati bilo kakvu ocjenu o samom toku, jer će presuda odgovoriti na mnoga pitanja.

S poštovanjem,



Dostavljeno:

1. Skupština Kantona Sarajevo putem Službe za skupštinske poslove
2. Stručna služba Vlade Kantona Sarajevo
3. Evidencija
4. Arhiva



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

